



UNIVERZITET U SARAJEVU - UNIVERSITY OF SARAJEVO
ŠUMARSKI FAKULTET - FACULTY OF FORESTRY

Zagrebačka 20, 71000 Sarajevo, BiH • Tel.: + 387 33 812 490, 812 491; Fax: + 387 33 812 488

Matični broj: 4200494560198 • PDV broj: 200494560007

KS u Sarajevu, Broj rješenja: 065-0-Reg-19-002234

e-mail: info@sfsa.unsa.ba • racunovodstvo@sfsa.unsa.ba • www.sfsa.unsa.ba

Na osnovu člana 69. stav (1) tačka d. Zakona o visokom obrazovanju („Službene novine Kantona Sarajevo, broj:36/22), i člana 104. stav 2) tačka f. Statuta Univerziteta u Sarajevu, Vijeće Univerziteta u Sarajevu Šumarskog fakulteta na I. Redovnoj sjednici održanoj 06.10.2022. godine, d o n o s i

**PRAVILNIK O NAGRADI IZ PUBLICISTIČKE IZ OBLASTI BIOTEHNIČKIH
NAUKA/ZNANOSTI: “AD GLORIAM SILVAE”**

I. OPĆE ODREDBE

Član 1.

Ovom Pravilnikom se uređuju se uvjeti, postupak, način dodjeljivanja te visina nagrade za publicističko djelo “AD GLORIAM SILVAE” za iznimna postignuća na području publicističkog stvaralaštva iz biotehničkih oblasti: šumarstvo, pejzažna arhitektura, ekologija.

Član 2.

Publicistička nagrada “AD GLORIAM SILVAE” (prevod – “U čast šuma” u daljnjem tekstu: Nagrada) utemeljena je u čast promocije očuvanja šuma i promocije oblasti biotehničkih nauka iz člana 1.

Član 3.

Svrha dodjeljivanja nagrada je odavanje priznanja zaslužnim autorima/koautorima, što se propisuje ovim Pravilnikom, poticanje je naučne i nastavne izvrsnosti i promocija pisanja publicističkih djela iz biotehničke naćune oblasti iz člana 1., promocije struke.

Član 4.

Nagrada se dodjeljuje za publicistićki rad od autora/koautora iz regije što uključuje: Bosnu i Hercegovinu, Crnu Goru, R. Hrvatsku i R. Srbiju. Rad mora biti publiciran na jednom od službenih jezika u ovih država.

II. UVJETI I NAĆIN DODJELE NAGRADE

Član 5.

Nagrada se dodjeljuje u dvije kategorije, i to:

- a) za najbolje publicistićko djelo (knjiga, udžbenik, atlas, monografija, praktikum, zbirka zadataka, uredništvo knjige-enciklopedije, rječnik, leksikon i drugo);
- b) za životno djelo.

Nagrada ne obuhvata publicistiku u smislu objavljivanja: naučnih i stručnih radova u naučnim i stručnim časopisima, poglavlja u knjizi ako je neko drugi istu uredio (tzv. *chapter in the book*).

Član 6.

Nagrada u obje kategorije, se sastoji od novčane nagrade i posebnog štampanog priznanja.

Član 7.

Nagrada se dodjeljuje autoru/ koautorima publicističkog djela. Ako je nagrađeno djelo rad više autora, svakom nagrađenom autoru dodjeljuje se posebno priznanje, a iznos novčane nagrade dijeli se na jednake dijelove.

Član 8.

Nagrada se dodjeljuje svake druge godine.

III.POSTUPAK DODJELE NAGRADE

Član 9.

U svrhu raspisivanja i provođenja javnog konkursa/natječaja za dodjelu Nagrade, dekan Univerziteta u Sarajevu Šumarskog fakulteta (u daljnjem tekstu: dekan) imenuje Komisiju za publicističku nagradu: "*AD GLORIAM SILVAE*" (u daljnjem tekstu: Komisija).

- a) Komisija ima šest članova, a čine ga po jedan predstavnik svake katedre Univerziteta u Sarajevu Šumarskog fakulteta u zvanju nastavnika.
- b) Članovi komisije mogu biti osim uposlenika Fakulteta sa odgovarajućih katedri i profesori emeritusi i/ili članovi akademija nauka u BiH i svijetu, kao i profesori u penziji/mirovini sa odgovarajućih katedri.
- c) Članovi Komisije imenuju se na period od dvije godine.
- d) Članove Komisije pradlažu katedre.
- e) U slučaju kada postoji sukob interesa člana Komisije (kandidat je za neku od nagrada), katedra mora u toku postuka rada Komisije (najkasnije prije glasanja iz Člana 15.) imenovati novog člana koji nema sukob interesa, odnosno novog člana koji nije kandidovan za nagradu.
- f) U slučaju ako su svi nastavnici sa određene katedre kandidati za Nagradu, katedra može da predloži nastavnika sa druge katedre za svog člana Komisije koji nije u sukobu interesa (Član 9, stav e).

Član 10.

Članovi Komisije međusobno biraju Predsjedavajućeg Komisije. Predsjedavajući Komisije odgovara za rad Komisije i podnosi izvještaj Vijeću Fakulteta iz Člana 15. i 16. U slučaju odsutnosti predsjednika komisije članovi komisije imenuju "*ad hoc*" zamjenika Predsjednika.

Član 11.

Komisija organizuje procedure dodjele Nagrade i obavlja i druge odgovarajuće aktivnosti u svrhu popularizacije Nagrade.

Član 11.

Postupak dodjele Nagrade pokreće Komisija raspisivanjem Javnog konkursa za dodjelu. Javni konkurs objavljuje se na web stranici Univerziteta u Sarajevu Šumarskog fakulteta, najkasnije do **15. 06.** tekuće godine. U Javnom konkursu objavljuju se uvjeti za dodjelu Nagrade, postupak dodjele Nagrade i rok za dostavu djela. Uvjete za konkurs preciznije definiše Komisija. Konkurs se završava tri mjeseca nakon objavljivanja.

Član 12.

Publicistička djela (iz člana 5. stav a.) se dostavljaju Komisiji. Prijedlog za Nagradu iz biotehničkih oblasti mogu dostaviti: autori, izdavači, članovi Komije za publicističku nagradu, recenzenti publicističkih djela, članovi katedri, članovi instituta, katedre, instituti, fakulteti kao i sve druge fizičke i pravne osobe.

Uz prijedlog za dvogodišnju nagradu, predlagatelj dostavlja Komisiji i štampani ili elektronski (ako je objavljeno kao digitalno djelo) primjerak publicističkog djela i pisani prijedlog.

- a) Pisani prijedlog za godišnju nagradu mora sadržavati:
 - ime i prezime, adresu ili naziv i sjedište predlagatelja,
 - ime i prezime i adresu predloženog autora/koautora,
 - saglasnost autora ili koautora za kandidiranje za nagradu.

Dostavljena publicistička djela ostaju u biblioteci Univerziteta u Sarajevu Šumarskog fakulteta u trajnom fundusu.

b) Za Nagradu u kategoriji iz Člana 5. stav b) - za životno djelo dostavlja se pisani prijedlog sa obrazloženjem uz koji se prilaže:

- ime i prezime, adresu ili naziv i sjedište predlagatelja,
- ime i prezime i adresu predloženog autora,
- CV predloženog autora,
- lista publicističkih radova: knjiga, udžbenika, atlasa, monografija, praktikuma, zbirka zadataka, rječnika leksikona, enciklopedija i drugo,
- saglasnost za kandidiranje za nagradu za životno djelo.

Član 13.

Jedno djelo može biti predloženo samo jedan puta, bez obzira kada je objavljeno. Jedan autor/koautor u toku konkursa može imati više prijedloga za različite publikacije.

Član 14.

Nakon isteka roka za konkurs predaju Komisija objedinjuje listu autora/koautora sa publicističkim djelima i dostavljena djela stavlja je na uvid u postorijama biblioteke Fakulteta. Uvid u publicistička djela može trajati maksimalno 1 mjesec.

IV NAČIN GLASANJA

Član 15.

Glasanje je dvofazno. U prvoj fazi nakon prispjeća prijedloga za publicističku nagradu i prihvatanja zadovoljavajućih općih kriterija za nagradu iz članova 12 i 13. za svako pojedino djelo

imenovana Komisija vrši bodovanje svakog posebnog dijela. Pri ocjenjivanju Komisija vrijednuje dijela na sljedeći način što je prikazano u sljedećoj tabeli:

KRITERIJ	OCJENE				
	5	4	3	2	1
<i>Univerzalnost djela</i>					
<i>Originalnost djela</i>					
<i>Opća percepcija djela – stručne kritike</i>					
<i>Doprinos promoviranju stvaralaštva iz oblasti bioteničkih nauka</i>					
<i>Doprinos struci – praktični aspekti</i>					
<i>Doprinos obrazovanju – edukacijski aspekt</i>					

Član 16.

Članovi Komisije glasaju tajno na pripremljenim formularima za svako publicističko djelo. Za svako djelo se sumira broj bodova od svakog člana komisije, odnosno, zbirom bodova se dobija ukupan broj bodova svih članova komisije po djelu. Svi članovi Komisije učestvuju u zbrajanju bodova. Kada se dobije ukupan broj bodova po djelu Predsjednik Komisije izvještava pisanim putem Vijeće Fakulteta o tri djela koja su dobila najveći broj bodova, pri čemu se u izvještaju ne iznosi ukupan broj glasova po djelu nego samo se konstatira koja djela su odabrana za drugu fazu glasanja, kao i listu prijedloga kandidata za životno djelo.

Član 17.

Drugu fazu čini glasanje nastavnika članova Vijeća fakulteta. Vijeće Fakulteta tajnim glasanjem glasa za jedno od tri ponuđena publicistička djela i listu kandidata za životno djelo. Glasanje može biti klasično (sa glasačkim listićima) ili elektronsko na odgovarajućoj platformi za koju se odluči Komisija. Pravo glasa imaju svi nastavnici članovi Vijeća Fakulteta.

Član 18.

Na svakoj od predloženih listi (za publicističku nagradu i nagradu za životno djelo), član Vijeća ima pravo glasati samo za jedan prijedlog. Publicističko djelo i kandidat koji dobije najveći broj glasova proglašava se pobjednikom.

Član 19.

Ukoliko dva djela u jednoj kategoriji imaju podjednak broj glasova nagradu primaju oba djela kao i autori/koautor. Nagrada se u ovom slučaju dijeli na dva djela. Svaka se nagrada po potrebi ako ima više koautora dijeli kako je definisano u Članu 7.

Član 20.

Odluku o najboljem publicističkom djelu, kao i za životno djelo donosi Vijeće Fakulteta usvajanjem informacije Predsjednika Komisije o najboljem publicističkom i životnom djelu.

Član 21.

Na osnovu glasanja Vijeća Fakulteta, Dekan donosi Odluku o dodjeli Nagrade. Dodjela nagrade se odvija za dan Fakulteta 23.12. tekuće godine.

Član 22.

Štampano priznanje o nagradi za publicistička djelo i nagradi za životno djelo na sebi mora sadržavati logo (simbol) Fakulteta; puni službeni naziv institucije: *Univerzitet u Sarajevu, Univerzitet u Sarajevu Šumarski fakultet*; naziv nagrade; *Nagrada za publicističko djelo "AD GLORIAM SILVAE"*, *titula i puno ime autora /koautora* koji su objavili djelo; *naziv djela*; odnosno *Nagrada za životno djelo iz publicistike biotehničkih nauka/znanosti "AD GLORIAM SILVAE"* – *titula i puno ime dobitnika nagrade*, datum, ime i prezime dekana njegov potpis sa pečatom. Formalni izgled štampane nagrade donosi Komisija.

Član 23.

Stručne službe Fakulteta vode posebnu evidenciju o nagradama: ko je za koje djelo i kada dobio nagradu. Informacija o posljednjoj dodjeljenoj nagradi kao i evidencija svim dodjeljenim o nagradama mora biti dostupna na web stranici Fakulteta.

VISINA NOVČANE NAGRADE

Član 24.

Visinu novčane nagrade za nagrađeno godišnje publicističko i životno djelo u svakoj pojedinoj kategoriji utvrđuje Vijeće fakulteta na prijedlog dekana.

Član 25.

Članovi Komisije ne primaju naknadu za obavljeni posao.

Član 26.

Sredstva za dodjelu novčane nagrade iz člana 23. ovog Pravilnika osiguravaju se iz budžeta Univerziteta u Sarajevu Šumarskog fakulteta.

U Sarajevu, 2022.
Broj:

Dekan

Prof.dr. Ahmet Lojo